

Javni poziv se ne provodi niti za obezbjeđenje personalnog njegovatelja za ratne vojne invalide – kvadruplegičare, a koji se angažuju putem i na prijedlog Udruženja Ratnih vojnih invalida – paraplegičara Kantona Sarajevo, na osnovu Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj 31/22 i 8/24).

Ministarstvo za boračka pitanja planira u saradnji sa korisnicima sredstava, obaviti praćenje dodijeljenih sredstava u smislu programskog i finansijskog praćenja svih obaveza prema zaključenim ugovorima o dodjeli budžetskih sredstava. Praćenje provođenja aktivnosti/programa i projekata, te namjenskog trošenja sredstava iz budžeta u okviru ugovorenog finansiranja, prije svega obuhvata pregled svih dostavljenih izvještaja (opisnih i finansijskih na propisanim obrascima) korisnika sredstava bez obzira na njihovu visinu i namjenu i obavezne terenske posjete korisnicima sredstava kod korisnika čija je ukupna izloženost riziku utvrđena kao visoka, i sačinjavanje izvještaja po predmetnom osnovu.

Ministarstvo za boračka pitanja će voditi evidenciju na osnovu Programa utroška i dodijeljenih sredstava kroz Plan praćenja aktivnosti na propisanom obrascu Uredbom o dodjeli transfera neprofitnim organizacijama i pojedincima iz Budžeta Kantona Sarajevo.

Plan praćenja obuhvata sve potpisane ugovore o dodjeli budžetskih sredstava sa korisnicima sredstava.

Mjere za sprečavanje nepravilnosti i sukoba interesa

Ministarstvo za boračka pitanja Kantona Sarajevo definira u internim aktima, a u skladu sa zakonskim propisima, mjere za sprečavanje nepravilnosti i sukoba interesa u svim fazama provođenja i dodjele sredstava.

U slučajevima pojave nepravilnosti i utvrđenog nenamjenskog trošenja budžetskih sredstava, Ministarstvo za boračka pitanja će aktivirati mehanizme povrata sredstava prema odredbama ugovora o dodjeli sredstava, kao i putem izvještavanja, te uključivanja nadležnih institucija u cilju ukazivanja i sprečavanja štetnih posljedica.

U slučaju utvrđenog sukoba interesa, bilo po izjavi lica uključenih u dodjelu sredstava ili po zaprimljenoj prijavi od strane drugih lica, ministar odlučuje o načinu upravljanja sukobom interesa, odnosno svaki član komisije će biti isključen iz postupka dodjele sredstava ukoliko se utvrdi da je u sukobu interesa sa podnosiocem prijave.

Način provođenja procjene uticaja Programa utroška sredstava na žene i muškarce, dječake i djevojčice, te na ranjive marginalizirane kategorije

Programom će se omogućiti rodna ravnopravnost učešća prilikom apliciranja za dodjelu sredstava, vodeći računa na ranjive i marginalizirane kategorije društva pored kvalitete prijedloga projekta i njegovog doprinosa ostvarivanju Programa, što je regulisano Pravilnicima.

IV

Za realizaciju ove odluke zadužuju se Ministarstvo za boračka pitanja Kantona Sarajevo i Ministarstvo finansija Kantona Sarajevo, svako u okviru svoje nadležnosti.

V

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-20026-24/24

04. aprila 2024. godine
Sarajevo

Premijer
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 8. i 10. Zakona o uređenju saobraćaja u Kantonu Sarajevo ("Službene novine Kantona Sarajevo", broj 30/17, 46/17 i 1/22), Vlada Kantona Sarajevo, na 19. sjednici održanoj 04.04.2024. godine, donijela je

ODLUKU

O IZMJENAMA ODLUKE O OSNIVANJU VIJEĆA ZA SIGURNOST SAOBRAĆAJA NA CESTAMA U KANTONU SARAJEVO

Član 1.

U Odluci o osnivanju Vijeća za sigurnost saobraćaja na cestama u Kantonu Sarajevo ("Službene novine Kantona Sarajevo", broj 35/22) član 3. mijenja se i glasi:

"Član 3.

(Sastav Vijeća)

- (1) Vijeće ima ukupno 11 (jedanaest) članova.
- (2) Iz reda predstavnika nadležnih ministarstava članovi Vijeća su:
 - a) predstavnik Ministarstva unutrašnjih poslova Kantona Sarajevo,
 - b) predstavnik Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo,
 - c) predstavnik Ministarstva za odgoj i obrazovanje Kantona Sarajevo,

- d) predstavnik Ministarstva zdravstva Kantona Sarajevo,
 - e) predstavnik Ministarstva saobraćaja Kantona Sarajevo - Odjeljenje za sigurnost,
 - f) predstavnik Ministarstva saobraćaja Kantona Sarajevo - Direkcije za puteve.
- (3) Članove Vijeća iz stava (2) tač. a) - f) ovog člana predlažu nadležna ministarstva.
 - (4) Vijeće ima pet članova iz reda stručnjaka iz oblasti sigurnosti saobraćaja na cestama.
 - (5) Izbor članova Vijeća iz stava (4) ovog člana provodi se na osnovu javnog poziva koji objavljuje Ministarstvo saobraćaja Kantona Sarajevo.
 - (6) Kriterije za izbor članova Vijeća iz reda stručnjaka utvrđuje ministar saobraćaja Kantona Sarajevo.
 - (7) Vijećem predsjedava član Vijeća kojeg predloži ministar saobraćaja Kantona Sarajevo."

Član 2.

(Izmjena člana 4.)

Član 4. mijenja se i glasi:

"Član 4.

(Mandat članova Vijeća)

Članovi Vijeća imenuju se na mandat od četiri godine, sa mogućnošću još jednog imenovanja."

Član 3.

(Stupanje na snagu)

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-20026-25/24

04. aprila 2024. godine
Sarajevo

Premijer
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 19. sjednici održanoj 04.04.2024. godine, donijela je